



KOMUNIKADO PA PRENSA

Fecha
28 yüni 2016

Kolaboradó di Maneho
Corinne Leysner

Email
corinne.leysner@gobiernu.cw

MINISTER SUZY CAMELIA-RÖMER TA KUMINSA KU PROGRAMA NA RADIO MAS

Willemstad – Minister Suzy Camelia-Römer di Ministerio di Tráfiko, Transporte i Planifikashon Urbano ta kuminsá ku un programa na radio, 'Kòrsou na òrdu, pa duna splikashon tokante su maneho i e trabounan ku e organisashonnan den su ministerio ta hasi. E programa ta pasa tur djarason di kwartu pasá di seis te ku shet or di anochi, na Radio Mas 99.7FM.

E programa tin un durashon di 45 minüt. Despues di un introdukshon ta posibel pa interesadonan hasi pregunta via di studio di radio MAS, WhatsApp òf mensahe na number 563-7777, òf manda mensahe riba e página di FB Minister Suzy Camelia-Römer. E preguntanan mester tin di haber ku e tema ku ta trata den e programa. E promé programa, riba djarason 29 di yüni próksimo, ta trata Okupashon Ilegal di tereno.

Minister Suzy Camelia-Römer ta invitá tur hende pa sintonisá e programa, pa asina yega na informashon balido tokante topikonan aktual den nos komunidad i pa asina huntu nos yega na un Kòrsou na òrdu.